

963. **ԽԱՉՔԱՐ.** բեկոր, նույն տեղում, 6 տող.

ԵՍ՝ ԱՂԲԱՐ ԱԲԵՂԱ, ԿԱՆԿՆԵ-

ՑԻ ԽԱՉԱ

ՎԱՆ ... Ա ԵՒ ԶՈՐՆ

ՅՈՎԶԱՆՆԻՍԻՆ:

[ՈՐՔ ԵՐԿՐՊԱԳԷՔ]

ՅԻՇԷՑԷՔ Ի ՔՍ:

ՀՊՎԱ

**Ծանոթ.** Անունը գուցե թե *Աղբարադեղ*:

ԱԹԱՆ

964. **ԽԱՉՔԱՐ.** գյուղի հանգստարան տանող ճանապարհի եզրին, ժայռի վրա, քիվին  
և խաչահանգույցում, 3 տող.

ԱՍԵՆԱՓՐԿԻՉ ՍՈՒՐԲ ՅԱՐՈՒԹԻՒՆ:

ՔՍ ԱԾ

ՏՐ ՅՍ

ՀՊՎԱ

965. **ԽԱՉՔԱՐ.** գյուղից 3 կմ հյուսիս, մատուռի մեջ, 7 տող.

Ի ԹՎԱՂ ԿԱՆԻՍՂ ՀԱՅՈՑ

:ՈԾԹ: (1210), ԵՍ՝ ՎԱՐԴԱՆ

ՓԱՇԱՆ, ԿԱՆԳՆԵՑԻ

ԳՆՂԱՆ ՍՈՒՐԲ

ԽԱՉՍ Ի ՎԵՐԱՅ Հ

ԱՆԳՍՏԱՐ-

ԱՆԻ ՏՂԱՅՈՑ ԻՄՈՑ:

ՀՊՎԱ

**Ծանոթ.** Անհասկանալի է *ԳՆՂԱՆ* բառը: Հնարավոր է, դա խաչքարի որպիսությունը  
վկայող արտահայտություն է՝ «գեղեցիկ», «գեղանի» և այլն (խմբ.):

#### ՍՊԻՏԱԿԻ ԵՆԹԱՇՐՋԱՆ

Շրջանի հնագիտական հուշարձանների պեղումների և շինաշխատանքների ընթաց-  
քում գտածոները վերաբերում են բրոնզե դարաշրջանին: Դամբարանները հարուստ են  
նաև հելլենիստական ժամանակների նյութերով (կավամաններ, մետաղական իրեր, քա-  
րակերտ արձաններ): Վաղ միջնադարյան եկեղեցիներ կան Գոգարանում (IV դ.), Ար-  
ջուտում, Շիրականուտում (Զիչխանավանք) և այլուր, որոնք, սակայն, զուրկ են գրավոր  
հիշատակագրություններից: Շինարարական արձանագրություններ ունեն ժժ դարում  
կառուցված փայտածածկ բազիլիկ եկեղեցիները:

Փոքրիկ շրջանը տեղավորված է Փամբակի հովտում, որով անցած առևտրական ճանապարհի հանգույցներից մեկում բացվել է ժայռափոր համալիր (կացարաններ, իջևանատուն, եկեղեցի), որը մեծապես վնասվել է 1988 թ. երկրաշարժից:

Սպիտակի, Շիրակի, Գուգարքի գերեզմանոցներում անհամար են 1988.7.XII նշահամարով ողբերգական տապանագրերը:

**966. ՏԱՊԱՆԱՔԱՐ.** Սպիտակ քաղաքի գերեզմանոցում, Գարիկ և Գոհարիկ Հայրապետյան նահատակների տապանագիրը, որը կրկնում է թումանյանական մրմունջը.

Քույր և եղբայր իրար կից.

Հավերժական լուռ դրկից.

Խորհում էին իրար հետ՝

Թե ինչ տարան աշխարհից:

**967. ՏԱՊԱՆԱՔԱՐ.** Նույն գերեզմանոցում, 13-ամյա Գնելի ծնողների հոգեթով խռովքը.

Ո՞վ կդիմանար այսքան ցավերի,

Քեզ ի՞նչ ենք արել, Ամենավերին,

Որ սև սարի պես ընկար մեր գլխին...

**968. ՏԱՊԱՆԱՔԱՐ.** Նույն գերեզմանոցում, 14-ամյա Աշոտ Սարգսյանի մոր կարոտագին հեծեծանքը.

Ինչքան էլ քեզ ծաղիկներ բերեմ՝

Ոչ մեկի բույրը քեզ չի հասնելու,

Հովերի չափ էլ հողդ համբուրեմ՝

Սրտիս մրմուռը քեզ չի հասնելու:

**Ծանոթ.** Երկրաշարժի նահատակների տապանագիր բանաստեղծություններն ու պատկերագրական մանրամասները մի ամբողջ հատոր կարող է կազմել, որում խտացած է ժողովրդի պոռթկումն ու բողոքը բնության, մահվան սև ուրվականի հանդեպ: Նրա խոհափիլիսոփայական մտորումները, պատասխան չտրվող մահվան առեղծվածը:

## ԱՐՋՈՒՏ

**969. ՔԱՌԱԿՈՂ ԿՈԹՈՂ.** Նիստին, 3 տող.

ՍԱՅԷ  
ԽԱՉՍ  
ԱՋԵՄԱ

ՍԱՅ Է  
ԽԱՉՍ  
ԱՋԵՄԱ:

**Ծանոթ.** Կոթողի բեկորը և այն պսակող քանդակագարդ թևավոր խաչի կտորները հայտնաբերվել են գյուղամիջյան Ս. Գևորգ խաչածն հատակագծով կենտրոնագմբեթ եկեղեցու փլատակներից: Շրջանակի հավասարաթև խաչը, տառերի հնագրական ձևերը բնորոշ են VI-VII դարերին և եկեղեցու ժամանակակիցն են կամ թե՛ նախորդել են նրան: